

关于立夏的名言

1.
百忧不到酒三行，万事尽休棋一枰。梅子未黄先着雨，樱桃欲熟正防莺。
忽惊夏向明朝立，便恐春从此地更。数蝶飞来花寂寞，乱蛙鸣处水纵横。
——朱翌《立夏前一日登马氏山亭》
2.
绿阴铺野换新光，薰风初昼长。小荷贴水点横塘，蝶衣晒粉忙。茶鼎熟，
酒卮扬，醉来诗兴狂。燕雏似惜落花香，双衔归画梁。——张大烈《阮郎归·立夏》
3.
堤边树子最无情，恰则春归第一程。舞向南风浑不住，叶间羞损旧啼莺。
——项安世《立夏日南风大作二首》
4.
归来泉石国，日月共溪翁。夏气重渊底，春光万象中。穷吟到云黑，淡
饮胜裙红。一阵弦声好，人间解愠风。——文天祥《山中立夏用坐客韵》
5.
乍认东庄路不真，有桥通市却无邻。山穷借看堂中画，花尽来寻竹主人。
烂熳笊麻发新兴，留连樱笋送残春。与君再见当经岁，分付清觞缓缓
巡。——沈周《立夏日山中遍游后夜宿刘邦彦竹东别墅》
6.
改序念芳辰，烦襟倦日永。夏木已成阴，公门昼恒静。长风始飘阁，叠
云才吐岭。坐想离居人，还当惜徂景。——韦应物《立夏日忆京师诸弟》

7.
一月厌雨声，忽逢今日晴。春从花上去，风过竹间清。睡美新茶熟，身闲野服轻。近来多坦率，客至倦逢迎。——胡俨《久雨喜晴明日立夏》
8.
渐老绿阴天，无家怯杜鹃。东风有今夜，芳草又明年。蚕熟新丝后，茶香煮酒前。都将南浦恨，聊寄北窗眠。——杨基《立夏前一日有赋》
9.
满城杨柳绿依依，背著春风自在飞。却是杨花有才思，一时收拾伴春归。——项安世《立夏日南风大作二首》
10.
青梅未了已朱樱，春尽曾无十日晴。稍欲出城问蚕麦，生愁城外杜鹃声。——方回《今春苦雨初有春半曾无十日晴之句去立夏无几》
11.
吾家正对紫阳山，南向宜添屋数间。百岁十分已过八，只消无事守穷閒。——方回《立夏五首》
12.
黄梅青李夏方装，新绿池塘浴小鳧。此日猫头寒百玉，他时鸿喙煮明珠。白头偷果从渠乐，绣眼穿花不我虞。更有长愁无遣处，只今细柳映新蒲。——舒岳祥《三月二十九日立夏喜晴稍有自适意有自旧京来》
13.
江上茅堂柳四垂，又逢旅次过春时。雨多苔蚀悬琴壁，水满蛙生洗砚池。风浦萧萧帆过疾，烟空漠漠鸟来迟。避喧心事何人解，窗下幽篁许独知。——张揆《立夏日晚过丁卿草堂》
14.
晨起披衣出草堂，轩窗已自喜微凉。余春只有二三日，烂醉恨无千百场。芳草自随征路远，游丝不及客愁长。残红一片无寻处，分付年华与蜜房。——陆游《立夏前二日作》

15.

小楼欲不怕泥行，春半曾无十日晴。老眼看花如隔雾，只消卧听卖花声。
——方回《今春苦雨初有春半曾无十日晴之句去立夏无几》

16.

赤帜插城扉，东君整驾归。泥新巢燕闹，花尽蜜蜂稀。槐柳阴初密，帘栊暑尚微。日斜汤沐罢，熟练试单衣。——陆游《立夏》

17.

四时天气促相催，一夜薰风带暑来。陇亩日长蒸翠麦，园林雨过熟黄梅。
莺啼春去愁千缕，蝶恋花残恨几回。睡起南窗情思倦，闲看槐荫满亭台。
——赵友直《立夏》

18.

一樽开首夏，独对落花飞。幽僻还闻鸟，清和未换衣。绿帟槐影合，香饭药苗肥。
尽日柴关启，蚕家过客稀。——蔡汝楠《山中立夏即事》

19.

衲朝袂暮午衫单，始觉春归不再寒。些子幽花三两亩，霎时啼鸟百千般。
世情落落全相背，诗律平平略放宽。连日饮徒偶焉往，自炊香薤五盘餐。
——方回《立夏明日行园无客五首》

20.

欲知春与夏，仲吕启朱明。蚯蚓谁教出，王菰自合生。帘蚕呈茧样，林鸟哺雏声。
渐觉云峰好，徐徐带雨行。——元稹《咏廿四气诗立夏四月节》

21.

读书听雨过三更，定是明朝又不晴。就枕未鼾饥鼠出，掀书舐砚上灯檠。
——方回《今春苦雨初有春半曾无十日晴之句去立夏无几》

22.

齐侯北海楚南海，匹马扁舟我过之。一事略如陆务观，囊中真有万篇诗。
——方回《立夏五首》

23.

留春春不住，昨夜的然归。欢趣何妨少，闲游勿怪稀。林莺欣有吒，丛蝶怅无依。窗下忘怀客，高眠正掩扉。——司马光《四月十三日立夏呈安这》

24.

前回马首络青春，春我相逢皆故人。今朝出门忽失笑，春如五日之京兆。莺痴蝶騃不知愁，惟有杜鹃啼到晓。春到园林邮传哉，藤阴次第庇莓苔。愿春长在人长健，何惜与春归去来。——王迈《立夏前王日出郊送春》

25.

渐觉风光燠，徐看树色稠。蚕新教织绮，貂敝岂辞裘。酷有烟波好，将图荷芰游。田间读书处，新笋万竿抽。——薛澄《立夏》

本文链接：<https://duanjuziku.com/duanjuzi/v65898wl08.html>